

象所及與道混體洞入自然消則為氣息則為人者也

後序曰天尊之好生甚矣道君之垂教廣矣老君之度人至矣三聖輪化拯濟昏迷皆欲使全肉血之形比金石之永延朝蘭之命齊大椿之年自凡而登仙自仙而登真自真而證聖馳騁龍駕遨遊太虛拔九祖於幽陰享遐齡於億劫而世人稟道之氣從道而生厭清虛恬澹之宗逐勞役繁華之境猶如牛馬引重趣泥不能自出轉增陷沒豈不痛哉所願上士勤行自求多福也

七域修真證品圖

玄覽人鳥山經圖

太上曰無數諸天各有入鳥之山有人之象有鳥之形峯巖峻極不可勝言玄臺寶殿尊神所居林澗鳥獸木石香花芝草眾藥不死之津長生之液又難具陳陳之無益於學學者自應精尋得一知萬了然究知教須題示故略標文妙氣結字聖區寫之以傳上學不泄中人妙氣之字即是山容其表異相其跡殊姿皆是妙氣化而成焉玄達之思閉目見之周覽既畢行之有微妙氣既降肉身能飛久鍊得妙肉去妙充其翔似鳥山遊三界之外其神真人入宴三清之中總號人鳥學者由山緣山至道求保長存自非至精勿妄叩也

太上曰人鳥山之形質是天地人之生根元氣之所因妙化之所用聖真求其域仙靈仰其神敬而事之存而念之受而醮之繕而帶之精而行之和而密之久無怠懈三氣調均生身生于為道種人在世行化入山研方出處自在魔不敢當於是朝致五嶽使役八溟

從三天之君佩日月之精知之不死習之求生諦之合智究之同神其山之上元始天王所居其山之下眾聖真仙所處其山之氣生五色之水名反魂流液成脂名曰震檀之香西王母初學道詣元始天王三千年道成德就應還崐崙之山臨去辭元始天王共刻銘人鳥山上虛空之中製作文字字方一丈懸在空中以接後學于今存焉九老仙都君九氣文人圖書山形佩之於肘天帝寫空中之書以附人鳥之體百年一出以傳真人道士有此山形及書文備者便得仙度遊宴崐崙能讀此書萬徧修行不負文言天帝君即遣使雲車羽蓋來迎之也不須服御丹液無勞導引屈伸精之不休自獲升天矣

太上曰凡能清齋三月別於靜室修行仙人當降自以此文字語人受之密遵速成真聖道士佩之役使萬神正月有甲子二月有壬申三月有戊子一年之中唯取一日祭醮山形於金鏡之上相傳口訣之事慎勿妄泄書文若年中無此三日或有而避迨趣得甲子

一年三醮也醮時皆齋清嚴禁斷明月之夜露出中庭不須壇幕不可他知密自灑掃淨席向南北敷別席向北施禮先以明鏡九寸而者置座中央紫文複傘以罩座上紫錦中囊覆藉山圖正安鏡中清酒三碗置圖之前香脯菓果園施鏡外酌酒半碗嗽口捨香即位閉目叩齒三遍存思依常鳴鼓發籙亦如常法又三捨香臨目見

太上大道十方天尊元始真人馬山元氣生神太帝君雲駕羅列布滿空中同求向座良久分明仍密稱名位姓姓名奉請太上大道十方天尊元始真人馬山元氣生神太帝君一切諸靈官今日吉時良敢薦芬芳表獻至誠仰希垂降其法稽首禮拜仍禮三拜神降座又三拈酒長跪稱位姓姓名上啓太上大道十方天尊元始真人馬山元氣生神太帝君一切神明其法切思得見今日奉對尊神喜懼交集惟願大慈已生當成使學道得道求仙得仙神通自在永保長存小醜賤其法不敢多陳不勝踴躍屏營謹稽首禮

拜三拜拜畢三捨酒三拈三啓畢三捨香起倚送神稱位姓姓名上啓

太上大道十方天尊元始真人馬山元氣生神太帝君一切靈官緣恩上請紆迴雲儀神駕已整還升三清其法應恭俯仰屏營惟願

大慈流布洪恩其法得道謁見王官後宜有請仰希重降其法稽首禮拜三拜畢起復爐復爐畢乘一椀酒瀉浸四周畢依次飲之也同志者還房進酢不得妄與非法之人夫妻接侍皆同此法不同不得交會此禁至重明各慎之

清齋十日丹書山形於薄紙上方三寸至五寸玉池之泉向王吞服一服長生不死二服神仙飛行三服升登尊位與道合同清齋起圖佩之二年晨夕誦文吉日修事慎終如始

一十日期足遊行山澤威制五嶽三河四海八溟九地一切神靈奉迎拜謁功德流布五年七年不過九年超登三清矣

太上人馬山真形圖



太上玉晨大道君曰人馬山名甚多或名須彌山或名玄圃山或名大地金根山或名本無妙玄山或名元氣寶洞山或名神玄七變七轉觀天山一山七名總號玄覽其法除班滿集會廣澄其高無極勢與道同示應有崖球入玄空流衍基布三百六十億萬里面有二百四十萬門內外皆自然七寶官殿神仙所遊聖真息處元始天王治在山上上面又有天帝宮太帝室上清真人更相盼接不可勝數山中自然有金液還丹七名靈香其香不

焚常生妙氣逕風遠聞七千里外神仙之香  
 得者不死椿林實木金玉之樹光明耀日精  
 徹虛空動搖發響自成八音金翅鳳凰鸞鳥  
 朱雀神龍麒麟獅子銅頭鐵額邪擊齒大  
 神禽獸遊其實林之中巨鯢鱗族漾其玉池  
 之下靈物奇瑞不可具稱粗標言之以舉大  
 槩耳山内自然之字一十有一其訣口中寄  
 文附出弓龍行神出除凶殃辟非祥山外空  
 虛之字向左百二十四向右百二十合二百  
 四十四字誦之在心訣在師口

玄曠真人鳥山經圖

太上玉晨鬱儀結璘奔日月圖 國六  
 太上隱書中篇曰子欲為真當存日君駕龍  
 駿鳳乘天景雲東遊希林遂入帝門精思乃  
 得要道不煩名上清靈列位真官乃執鬱儀  
 文

太上隱書中篇曰子欲升天當存月夫人駕  
 十天龍乘我流鈴西到六嶺遂入帝堂精思  
 乃見上朝天皇乃執結璘章

右奔日月隱道太上清大極九皇四真  
 人之所寶秘玄虛元君之玉章也自非有

金闕玉名及錄字東華皆不聞見二篇目  
 矣行之者先清齋百日絕交人事乃可為  
 之也久久行之上奔日月得給玉童玉女  
 各五十人太上鬱儀赤文結璘黃章乃  
 太上玉帝君之靈秘篇也藏之於九天之  
 房丹璫之臺非勤心好真宿有飛玄天仙  
 之骨錄者莫得而見聞也聞其篇目皆不  
 可妄言稱及妄言稱及犯者受考三官天  
 地不赦初今三百年得宣傳一人却後七  
 百年復得傳一人若神真冥告有宜授者

傳之也傳受之法皆師友相授以崇玄科  
 也非其人不遵法度為泄宣天文也漏慢  
 違誓死為下鬼乃七祖受考風刀之罪自  
 非同氣寧當閉口西玄山洞臺中有此二  
 經刻以玉簡書以金字及王屋清虛天皆

有而不備具也中宮仙人泰清諸官並不  
 知此書是何事也峨嵋山北洞中石室戶  
 樞刻石書字曰鬱儀引日精結璘致月神  
 得道處上宮位稱大夫真凡二十字下仙  
 見之甚自不解其意義是何等事也如此

仙人自有不見其篇目錄者多矣其金液  
 九丹蓋小術也皆不得飛行上清欲行此  
 道不必賢愚但地上無此文耳真官玄法  
 啓誓乃傳有得而行位為上真乃乘八景  
 瓊輪遊行九晨故秘言曰子得鬱儀結璘  
 乃成上清之真不修此道不得見三元君  
 太素真人曰子存日精五帝君口含太上鬱  
 儀文須此道成乃見日中君無此徒勞自煩  
 冤又曰子存月精五帝夫人口含太上結璘  
 章須此道成乃見月夫人無此徒勞自悼傷